



Broj: 2337- 2 / 20
Datum: 22.09.2020.

Na osnovu člana 12. Zakona o javnim preduzećima u Federaciji BiH (Službene novine F BiH br.8/05,81/08 i 22/09,109/12), člana 33. stav 1.tačka 12, člana 43. Statuta KJP "ZOI 84" Olimpijski centar Sarajevo d.o.o.Sarajevo i Odluke Nadzornog odbora broj 2337- 2 - 1/20 od 22.09.2020.godine, Nadzorni odbor raspisuje

JAVNI KONKURS ZA IZBOR I IMENOVANJE DIREKTORA KJP "ZOI 84" OLIMPIJSKI CENTAR SARAJEVO d.o.o. SARAJEVO

I Raspisuje se Javni konkurs za izbor i imenovanje Direktora KJP "ZOI 84" Olimpijski centar Sarajevo d.o.o.Sarajevo

Nadležnosti Uprave Preduzeća su utvrđene u Zakonu o javnim preduzećima u Federaciji BiH, Zakonu o privrednim društvima, Statutu Preduzeća i Pravilniku o unutrašnjoj organizaciji i sistematizaciji radnih mjesata u Peduzeću.

Opis pozicije Direktora

- Predsjedava Upravom,
- organizuje i rukovodi procesom rada i poslovanja Preduzeća,
- zastupa i predstavlja Preduzeće u unutrašnjem i vanjskotrgovinskom prometu, u skladu sa odredbama Zakona o javnim preduzećima u F BiH,
- predlaže razvojnu i poslovnu politiku,
- predlaže planove rada i program razvoja i preduzima mjere za njihovo sprovođenje, usvojeni plan poslovanja dostavlja resornom ministarstvu,
- predlaže organizaciju Preduzeća, odgovoran je za zakonitost rada u Preduzeću,
- podnosi izvještaje o poslovanju i godišnji obračun, donosi pojedinačne akte u skladu sa Statutom i općim aktima Preduzeća, izvršava i organizuje sprovođenje odluka organa Preduzeća,
- utvrđuje prijedlog općih akata,
- odlučuje o potrebi za radom i raspoređivanju radnika, odlučuje o pravima i odgovornostima radnika u skladu sa Zakonom, Kolektivnim ugovorom i Pravilnikom o radu, preduzima radnje vezane za registraciju Preduzeća,
- zaključuje ugovore i druge pravne radnje.

Mandat Direktora traje četiri (4) godine.

Ovlaštenja, odgovornosti i prava Direktora Preduzeća uređuju se ugovorom između Nadzornog odbora i Direktora Preduzeća.

II Kandidati za poziciju Direktora treba da ispunjavaju slijedeće uvjete:

a) Opći uvjeti:

- Da je državljanin BiH (dokaz: uvjerenje o državljanstvu)
- Da je stariji od 18 godina i da nije stariji od 65 godina na dan imenovanja (dokaz: izvod iz matične knjige rođenih ili kopija lične karte)
- Da nije na funkciji u političkoj stranci (dokaz: potpisana izjava o ispunjavanju uslova iz tačke II Opći uslovi (a) alineja treća (3.) ovjerena od općinskog organa ili od strane notara)
- Da je zdravstveno sposoban za obavljanje poslova za koje se prijavljuje (dokaz: uvjerenje o zdravstvenoj sposobnosti za kandidata koji bude izabran)

Kantonavno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo

- Da nije osuđivan za krivično djelo i za privredni prestup nespojiv sa dužnošću u Upravi, kojima je presudom Suda zabranjeno obavljanje aktivnosti u nadležnosti Uprave (dokaz: potpisana izjava o ispunjavanju uslova iz tačke II. Opći uslovi (a) alineja peta (5) ovjerena od strane općinskog organa ili od strane notara)
- Da se protiv kandidata ne vodi krivični postupak (dokaz: uvjerenje nadležnog suda)
- Da nije osoba kojoj je izrečena mjera u smislu Zakona o privrednim prekršajima (dokaz: uvjerenje nadležnog suda)
- Da ne vrši funkciju predsjednika ili člana nadzornog odbora ili uprave drugog privrednog društva ili institucije (dokaz: potpisana izjava o ispunjavanju uslova iz tačke II Opći uslovi (a) alineja osma (8) ovjerena od općinskog organa ili od strane notara)

b) Posebni uvjeti:

- Da ima završenu visoku školsku spremu (VSS) (dokaz: diploma o stručnoj spremi)
- Da ima najmanje 4 (četiri) godine radnog iskustva u struci, od čega najmanje 3 (tri) godine na rukovodnim poslovima (dokaz: potvrda o radnom i rukovodnom iskustvu)
- Da ponudi Program rada i razvoja Preduzeća u mandatnom periodu (pisani Program rada i razvoja Preduzeća)
- Da ima stručna znanja iz oblasti djelatnosti Preduzeća (intervju)
- Da posjeduje certifikat o završenom stručnom usavršavanju u smislu Uredbe o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala („Službene novine Federacije BiH“ broj 71/09,33/10,23/11, 83/11,2/13 i 80/13, 48/15, 88/17) ili da prođe stručno usavršavanje u skladu sa navedenom Uredbom i dobije certifikat u roku od godinu dana (dokaz:certifikat o završenom usavršavanju ili potpisana izjava kandidata ovjerena od općinskog organa ili od strane notara).

Kao posebni uvjeti prilikom procjene menadžmentskih znanja i iskustava uzimat će se u obzir i slijedeći kriteriji:

- organizacijske i komunikacijske sposobnosti (intervju)
- sposobnost savjesnog i odgovornog obavljanja pozicije (intervju)
- sposobnost nepristrasnog donošenja odluka (intervju)
- sposobnost upravljanja finansijskim i ljudskim resursima i sklonost timskom radu (intervju)
- rezultati rada ostvareni tokom prethodnog radnog angažmana (dokaz: potvrda ili preporuka poslodavca)

III Potrebni dokumenti:

Kandidati su dužni uz prijavu koja sadrži kraću biografiju, adresu i kontakt telefon, priložiti naprijed tražene dokumente originalne ili ovjerene fotokopije istih, ne starije od 6 (šest) mjeseci računajući od objave konkursa.

Kandidati koji budu uvršteni u uži izbor bit će pozvani na intervju .

Podnositelji prijave s kojima se ne stupa u kontakt u roku od deset (10) dana od dana isteka roka za podnošenje prijave neće se uzimati u razmatranje u daljem postupku kandidiranja.

Komisija za izbor zadržava pravo provjere svih podataka iz izjava i drugih dokumenata kandidata.

Prijave sa traženim dokumentima dostaviti lično ili preporučenom poštom na adresu:

KJP "ZOI 84" Olimpijski centar Sarajevo d.o.o.Sarajevo
Ul.Alipašina b.b.
Sarajevo
sa naznakom
PRIJAVA ZA JAVNI KONKURS
(ZA DIREKTORA)
- NE OTVARATI -

Nepotpune i neblagovremene prijave neće se razmatrati.

Konkurs će biti objavljen u „Službenim novinama Federacije BiH“ i oficijelnoj stranici Preduzeća www.zoi84.ba

Javni konkurs ostaje otvoren petnaest (15) dana od dana posljednjeg javnog objavljivanja.

Preduzeće nije obavezno vraćati dokumentaciju dostavljenu uz prijavu.

Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo